

Europako Romano Instituto vaš Arti thaj Kultura (ERIAC) si selektirimo te ikherel e RomArchive - Romano Digitalno Arxive/Arhive

Informacija vaš e mediumija-press

Berlin, 4-to aprilo, 2018 berš

Vaš e Lumakire Romengo Dives 8-toto Aprilo, o RomArchive - Digitalno Romano Arxivo/Arhivo thaj Europako Romano Instituto vaš Arti thaj Kultura (ERIAC) khamen te havljaren pengi majodorutni kooperacija/khetanutni bući. Pe majphaluno bordesko khidipe/arakhipe, o RomArchive selektirndas e Berlin-bazirime ERIAC-es majdur te ikherel e RomArchive. ERIAC-esko Pakiv Bordo si lošalo vaš kodi decizija thaj khamel te astarel diskusijasar pe kodo, sar thaj save dromencar ka nakhel kodi decizija/responsibiliteta kotar jekh pe javer rig. O RomArchive ka sikavel thaj phutrel e internacionalno arhivako website ko januaro 2019 berš. Pala kado, o online projekto ka ovel institucionalizirimo: E soduj projektoskere iniciatora, i Isabel Raabe thaj Franziska Sauerbrey, pala kado, e responsibiliteta vaš e arhiva ka den ko ERIAC, savo so majodorig ka buhljarel thaj ka zurarel e archives.

RomArchive - si kerdoni kotar e Germanijaki Kulturalno Fondacija - savo si majbaro kulturalno projekto kotar e Roma vaš e Roma, savo so ikerela pes dži pe principio "Romano Legaripe" savo so konstantno implementirinela pes. E projektoskere participantura - buteder bućarne grupendar, genena paše 150 manušen kotar 15 Europakere thema thaj avrijal olatar - so keren jekh lumaki drakhin/netvorko katar e artistura, džanle/sikle manuša thaj aktivistura, save so avena kotar e Romane komunitetura. E Roma si pe sa e arhivake klejakere pozicije: sar kuratorura pe deš arhivakere sekcije thaj si vi ande internacionalno/maškarthemutno bordo savo so dela ažutipe/suporto vaš e kuratorura thaj dena e strategijakere droma vaš o projekto. Kana astardas pe kadale bućasar, e projektoskere incijatorura planirinde te keren transfero e RomArchive ki Europaki Romani organizacija, pala pandže beršeski faza vaš keribe. E Germanijaki Federalno Agencija vaš Civilno Edukacija, dijas suporto/ažutipe vaš e menadžeribasko menažiribe ano RomArchive vaš avutne panč berš astarindoj kotar 2019-to berš thaj dureder.

Vaš RomArchive

Astarindoj kotar o januaro 2019 berš, RomArchive, Digitalno Romano Arxivo/Arhivo, ka kerel e arton thaj e Romengere kulturen dikhline thaj ka sikavel olengi distribucija ki Europutni kulturaki historija. Trujal e kontra narativija/vakeripa phendine korkore e Romendar, o RomArchive ka kerel lačho džanlipasko haing dži pe savo šaj te avel pes trujal o internet pe internacionalno nivelo, te šaj faktoncar te phagen pes e stereotipura thaj e prejudicije.

Vaš kodo so ka khuvel andre, 14 kuratorura definirinena thaj kerena selekcija pe artistikani kontribucija vaš e arhivakere sekcije pe khelibe, filmo, literatura, muzika, teatro thaj drama, vizuelno artija, thaj interdisciplinarno flamenkosko umal, sar vi materijalo pe fotografijakere politike, vakeripa katar e manuša vaš Romengi persekucija/murdaripe ano Nacional Socijalizmo thaj džanipasko materijalo vaš civilno hakajengo miškipe. E arhivaki kolekcija sikavela kober baro si o javerpie vi diversiteto kotar e kulturakere identitetura thaj nacionalno idiosinkretizirimo sar integralno kotor peskere metodologijatar, so si lačheder kodolestar te kerel pes jekh narealistikano dikhipe vaš varesavi khetanutni/homogeno "Romani kultura". Akate, i barvali arteski thaj kulturaki produkcija - phurani šeleberšipencar, dživdi thaj bute varijacijencar dži adadžives - avgodrom/fare ka šaj te dikhel pes kotar o but manuša ko olako sasto buhlipe thaj barvalipe.

Buteder informacije ko: blog.romarchive.eu

Vaš ERIAC

E Europako Romano Instituto vaš Arti thaj Kultura e.V. (ERIAC) si khetanutni inicijativa kotar Europako Konsilo, Phutarde Themeskere/Societakere Fondacije thaj e Romane Liderongi inicijativa - i Alijansa vaš Europako Romano Instituto. ERIAC si asocijacija registririmi teli e Germanijako kanuni/zakono ko 7-to juni 2017-to berš ano Berlin, Germania/Njamco.

O ERIAC egzistuil te vazdel e Romengo paćaibe an korkori peste thaj te teljarel/harnjarel e negativno prejudicijen katar e mažoritetaki populacija mamuj e Roma trujal o arti, kultura, historija thaj mediumija. O instituto si sar jekh interancionalno kreativno umal/than savo so dela ažutipe/suporto vaš te ulaven pes e idije trujal e granice, kulturaki sfera thaje Romengere identiteura, promovirindoj aktiviteton katar e šela thaj šela Romane organizacije, intelektualcura thaj artistura, te šaj te keran pe multilateralno inicijative thaj regionalno alijanse. Khamel te kerel advokacija pe Romengi kontribucija pe Europaki kultura, sar vi te dokumentirinel e historikane eksperienca save so isi e Romen ande sasti Europa. ERIAC egzistuil te ovel komunikatoro thaj manušengo edukatoro, te bičhavel pozitivno imidžo thaj informacije vaš e Romane manuša vaš dijalogo thaj vazdipe khetanutno respekte vi haljovipe.

Butreder informacije ko: eriac.org

Press kontaktura

Denhart v. Harling, RomArchive, press@romarchive.eu, T: +49 30 69598034

Anna Mirga-Kruszelnicka, ERIAC, eriac@eriac.org, T: +49 30 40633733